

欽定古今圖書集成曆象彙編歲時典

第二十一卷目錄

元旦部彙考一

後漢 一則 安帝永初 一則 順帝永建 一則

晉 武帝咸寧 一則

南齊 一則

梁 武帝天監 一則

陳 一則

北魏 高祖太和 一則

北齊 一則

隋 一則

唐 元宗開元 一則

遼 一則

宋 太祖建隆 一則 徽宗 一則 神宗 一則 元豐 一則 哲宗 一則 元祐 一則 高宗 一則 紹興 一則 孝宗 一則 淳熙 一則 寧宗 一則 嘉泰 一則 理宗 一則 淳熙 一則 度宗 一則 景炎 一則 宋 一則 景宗 一則 景宗 一則 景宗 一則

金 一則 世宗 一則 大定 一則

元 一則

明 太祖洪武 一則 世宗嘉靖 一則

歲功典第二十一卷

元旦部彙考一

後漢

後漢天子元旦幸德陽殿受朝賀大宴羣臣賜觀諸伎樂

按後漢書禮儀志每月朔歲首爲大朝受賀其儀夜漏未盡七刻鐘鳴受賀及贊公侯璧中二千石二千石羔千石六百石雁四百石以下雉百官賀正月二千石以上上殿稱萬歲舉觴御坐前司空奉羹大司

農奉飯奏食舉之樂百官受賜宴饗大作樂其每朔唯十月旦從故事者高祖定秦之月元年歲首也按禮儀志注蔡質漢儀正月旦天子幸德陽殿臨軒公卿將大夫百官各陪朝賀贊新胡光朝貢畢見屬郡計吏皆陞殿庭燎宗室諸劉雜會萬人以上立西面位定公納薦太官賜食酒西入東出既定上壽計吏中庭北面立太官上食賜羣臣酒食貢事御史四人執法殿下虎賁羽林弧弓據矢陛戟左右戎頭偃歷陪前向後左右中郎將住東西羽林虎賁將住東北五官將住中央悉坐就賜作九賓徹樂舍利從西方來戲于庭極乃畢入殿前激水化爲比目魚跳躍嗽水作霧障日畢化成黃龍長八丈出水遊戲于庭炫耀日光以兩大絲繩繫兩柱中頭間相去數丈兩倡女對舞行於繩上對面道逢切肩不傾又踴躍出身藏形於斗中鐘磬並作樂畢作魚龍曼延小黃門吹三通謁者引公卿羣臣以次拜微行出罷卑官在前尊官在後德陽殿周旋容萬人陸高二丈皆文石作壇激沼水於殿下畫屋朱梁玉階金柱刻鏤作宮掖之好則以青翡翠一柱三帶縹以赤纁天子正旦節會朝百官於此

安帝永初四年春正月元會徹樂  
按後漢書安帝本紀永初四年春正月元日會徹樂不陳充庭車  
注每大朝會必陳乘輿法物車輦於庭故曰充庭車也以年饑故不陳  
順帝永建四年春正月元日詔赦天下下寬和之令  
按後漢書順帝本紀永建四年春正月丙寅詔曰朕

託王公之上涉道日寡政失厥中陰陽氣隔寇盜肆暴庶獄彌繁憂悴未歇疾如疾首詩云君子如祉亂庶遘已三朝之會期旦立春嘉與海內洗心自新其赦天下從甲寅赦令以來復秩屬籍三年正月已來還贖其閭閻江京等知識婚姻禁錮一原除之務崇寬和敬順時令遵典去苛以稱朕意

晉

武帝咸寧 年定元會之儀

按晉書武帝本紀不載 按禮志漢儀有正會禮正旦夜漏未盡七刻鐘鳴受賀公侯以下二千石以上升殿稱萬歲然後作樂宴饗魏武帝都鄴正會文昌殿設百華燈晉受命武帝定元會儀咸寧注是也咸寧注先正一日有司各宿設夜漏未盡十刻羣臣集到庭燎起火上賀起謁報又賀皇后還從雲龍東中華門入詣東閣下便坐漏未盡七刻百官及受贊郎官以下至計吏皆入立其次其陛衛者如臨軒儀漏未盡五刻謁者僕射天鴻臚各奏羣臣就位定漏盡侍中奏外辦皇帝出鐘鼓作百官皆拜伏太常導皇帝升御坐鐘鼓止百官起大鴻臚跪奏請朝賀掌禮郎讚皇帝延王登大鴻臚跪讚藩王臣某等奉白璧各一再拜賀太常報王悉登謁者引上殿當御坐皇帝與王再拜皇帝坐復再拜跪置璧御坐前復再拜成禮訖謁者引下殿還故位掌禮郎讚皇帝延太尉等于是公特進卿叔南單于金紫將軍當大鴻臚西中二千石二千石千石六百石當大行令西皆北面伏鴻臚跪讚太尉中二千石等奉璧皮帛羔鴈雉再拜賀太常讚皇帝延公等登掌禮引公至金紫

將軍上殿皇帝與皆再拜皇帝坐又再拜跪置璧皮帛御坐前復再拜成禮訖謁者引下殿還故位公置璧成禮時大行令並讀殿下二千石以下同成禮訖以贊授贊郎郎以璧帛付謁者蓋屬維付太官

太樂令跪奏雅樂樂以次作乘黃令乃出車皇帝罷入百官皆坐畫漏上水六刻諸蠻夷胡客以次入皆再拜訖坐御入後三刻又出鐘鼓作謁者僕射跪奏請羣臣上謁者引王公二千石上殿千石六百石停本位謁者引王詣樽酌壽酒跪授侍中侍中跪置御坐前王還王自酌置位前謁者跪奏藩王臣某某等奉觴再拜上千萬歲四廂樂作百官再拜已飲又再拜謁者引王等還本位陛下者傳就席羣臣皆跪謁侍中中書令尚書令各於殿上壽酒登歌樂升太官又行御酒御酒升階太官令跪授侍中侍中跪進御坐前乃行百官酒太樂令跪奏奏登歌三終乃降太官令跪請具御飯到階羣臣皆起太官令持羹跪授司徒持飯跪授大司農尚食持案並授持節持節跪進御坐前羣臣就席太樂令跪奏奏食畢太官行百官飯案遍食畢太樂令跪奏請進樂樂以次作鼓吹令又前跪奏請以次進樂妓乃召諸郡計吏前受敕戒于階下宴樂畢謁者一人跪奏請罷鼓鼓作羣臣北面再拜出然則夜漏未盡七刻謂之晨賀畫漏上三刻更出百官奉壽酒謂之晝會別置女樂三十一人於黃帳外奏房中之歌江左多虞不復晨賀夜漏未盡十刻開宣陽門至平旦始開殿門畫漏上五刻皇帝乃出受賀皇太子出會者則在三格下王公上正旦元會設白獸樽於殿庭樽蓋上施白獸若有

能獻直言者則發此樽飲酒案禮白獸樽乃杜舉之遺式也爲白獸蓋是後代所爲示忌憚也

南齊

齊肅宗元且朝會多仍東晉江左之禮

按南齊書禮志漢末蔡邕立漢朝會志竟不就秦人以十月旦爲歲首漢初習以大饗會後用夏正饗會猶未廢十月旦會也東京以後正日夜漏未盡七刻鳴鐘受賀公侯以下執贊來庭二千石以上升殿稱萬歲然後作樂宴饗張衡賦云皇輿風駕登天光於扶桑然則雖云風駕必辨色而行事矣魏武都鄴止會文昌殿用漢儀又設百華燈後魏文修洛陽宮室權都許昌宮殿狹小元日於城南立觀殿青帷以爲門設樂饗會後還洛陽依漢舊事晉武帝初更定朝會儀夜漏未盡十刻庭燎起火羣臣集傳元朝會賦云華燈若乎火樹燦百枝之煌煌此則因魏儀與庭燎並設也漏未盡七刻羣臣入白賀未盡五刻就本位至漏盡皇帝出前殿百官上賀如漢儀禮畢罷入羣臣坐謂之晨賀晝漏上三刻更出百官奉壽酒大饗作樂謂之晝會別置女樂三十人於黃帳外奏房中之歌江左多虞不復晨賀夜漏未盡十刻開宣陽門至平旦始開殿門畫漏上五刻皇帝乃出受賀朱世至十刻乃受賀其餘升降拜伏之儀及置立后妃王公已下祠祀夕牲拜授弔祭皆有儀注文多不載

梁

梁元會損益魏晉之禮

按隋書禮儀志梁元會之禮未明庭燎設文物充庭臺門闕禁衛皆嚴有司各從其事太階東置白獸樽

羣臣及諸蕃客並集各從其班而拜侍中奏中殿王公卿尹各執珪璧入拜侍中乃奏外辦皇帝服袞冕乘輿以出侍中扶左常侍扶右黃門侍郎一人執曲直華蓋從至階降輿納爲升坐有司御前施奉珪藉王公以下至階階脫珪爲劍升殿席南奉贊珪璧畢下殿納爲佩劍詣本位主客郎從珪璧於東廂帝與入徙御坐於西壁下東向設皇太子王公已下位又奏中殿皇帝服通天冠升御坐王公上壽禮畢食畢樂伎奏太官進御酒主書獻黃甘建二品已上尚書驍騎引計吏郡國各一人皆跪受詔侍中讀五條詔計吏每應詔訖令陳便宜者聽詣白獸樽以次還坐宴樂罷皇帝乘輿以入皇太子朝則遠遊冠服乘金輅西向以行預會則劍履升坐會訖先與又按志東宮元會儀注太子升崇正殿不欲東西階黃東宮典儀列云太子元會升自西階此則相承爲謬請自今東宮大公事太子升崇正殿並由階

武帝天監六年始改元日宴會東向之禮爲南向更定受玉及乘輿升殿之制

按梁書武帝本紀不載按隋書禮儀志天監六年詔曰頃代以來元日朝畢次會羣臣則移就西壁下東向坐求之古義王者燕萬國唯應南面何更居東面於是御座南向以西方爲上皇太子以下在北壁坐者悉西向東向尚書令以下在南方坐者悉東向西向舊元日御座東向酒壺在東壁下御座既南向乃詔壺於南闕下又詔元日受五等贊珪璧並量付所司周捨案周禮冢宰大朝覲贊玉幣尚書古之冢宰頃王者不親撫玉則不復須冢宰贊助尋尚書主

客曹郎既家宰隸職今元日五等奠玉既竟請以主客郎受鄭元注觀禮云既受之後出付玉人於外漢時少府職主珪璧請主客受玉付少府掌帝從之又尚書僕射沈約議正會儀注御出乘輿至太極殿前納烏升階尋路寢之設本是人君居處不容自敬官室案漢氏則乘小車升殿請自今元正及大公事御宜乘小輿至太極階仍乘板輿升殿制可

陳

陳朝會多依梁制令官人得隔綺疏而觀按隋書禮儀志陳制先元會十日百官並習儀注令僕已下悉公服監之設庭燎街闕城上殿前皆嚴兵百官各設部位而朝官人皆於東堂隔綺疏而觀宮門既無籍外人但絳衣者亦得入觀是日上事人發白獸樽自餘亦多依梁禮云

北魏

高祖太和元年春正月元旦下詔改元按魏書高祖本紀太和元年春正月乙酉朔詔曰朕夙承寶業懼不堪荷而天貺具臻地瑞並應風和氣暖天人交協豈朕冲昧所能致哉實賴神祇七廟降福之助今三正告初感交切宜因陽始協典革元其改今號為太和元年

北齊

北齊以元會日慰勞郡國計吏試其優劣大饗羣臣中宮朝會賜食如外朝禮按隋書禮儀志後齊正日侍中宣詔慰勞州郡國使詔讀長一尺三寸廣一尺雖黃塗飾上寫詔書三計會日侍中依儀勞郡國計吏問刺吏太守安不及數

價麥苗善惡人間疾苦又班五條詔書於諸州郡國使人寫以詔讀一枚長二尺五寸廣一尺三寸亦以雌黃塗飾上寫詔書正會日依儀宣示使人歸以告刺史二千石一口政在正身在愛人去殘賊擇良吏主決獄平徭賦二日人生在勤勤則不匿其勸率田桑無或煩擾三日六極之人務加寬養必使生有以自救沒有以自給四日長吏華浮奉客以求小譽逐末捨本政之所疾宜詳察之五日人事意氣十亂奉公外內洞洞綱維不設所宜糾劾正會日侍中黃門宣詔勞諸郡上計勞訖付紙遺陳土宜字有脫誤者呼起席後立書述謫劣者飲墨水一升文理孟浪無可取者奪客刀及席既而本曹郎中考其文迹才辭可取者錄牒吏部簡同流外三品敘元正大饗百官一品已下流外九品已上預會一品已下正三品已上開國公侯伯散品公侯及特命之官下逮刺史並升殿從三品已下從九品已上及奉正使人比流官者在階下勳品已下端門外又按志後齊元日中宮朝會陳樂皇后祿衣乘輿以出於昭陽殿坐定內外命婦拜皇后與妃主皆跪皇后坐妃主皆起長公主一人前跪拜賀禮畢皇后入室乃移帳坐於西廂皇后改服綸秋以出坐定公主一人上壽訖就坐御酒食賜爵並如外朝會

隋

隋元會悉如後齊制又定皇后受賀之禮按隋書禮儀志隋制正旦及冬至文物充庭皇帝出西房即御座皇太子西面至顯陽門外入賀復詣皇太后御殿拜賀訖還宮皇太子朝訖羣官客使入就位

再拜上公一人詣西階解劍升賀降階帶劍復位而拜有司奏諸州表群官在位者又拜而出皇帝入東房有司奏行事訖乃出西房坐定群官入就位上壽訖上下俱拜皇帝舉酒上下舞蹈三稱萬歲皇太子預會則設坐於御東南西向羣臣上壽畢入解劍以升會訖先典又按志隋儀如後齊制又有皇后受羣臣賀禮則皇后御坐而內侍受羣臣拜以入承令而出羣臣拜而罷

唐

元宗開元 年定元旦朝賀之禮按唐書元宗本紀不載按禮樂志皇帝元正受羣臣朝賀而會前一日尚舍設御帳於太極殿有司設羣官客使等次於東西朝堂展縣置案陳車輿又設解劍席於縣西北橫街之南文官三品以上位橫街之南道東裏寧侯位三品之下介公鄺公位於道西武官三品以上位介公之西少南文官四品五品位於縣東六品以下位橫街之南又設諸州朝集使位都督刺史三品以上位文武官三品之東西四品以下分方位文武官當品之下諸州使人又於朝集使之下諸親於四品五品之南設諸蕃方客位三等以上東方南方在東方朝集使之東西方北方在西方朝集使之西每國異位重行北面四等以下分方位於朝集使六品之下又設門外位文官於東朝堂介公鄺公在西朝堂之前武官在介公之南少退每等異位重行諸親位於文武官四品五品之南諸州朝集使東方南方位宗親之南使人分方於朝集使之下諸方客東方南方在東方朝集使之南西方北方

在西方朝集使之南每國異位重行其日將士壘諸街勒所部列黃麾大仗屯門及陳於殿庭羣官就次侍中版奏請中嚴諸侍衛之官詣閣奉迎吏部兵部主客戶部贊奉官客使俱出次通事舍人各引就朝堂前位引四品以下及諸親客等應先置者入就位侍中版奏外辦皇帝服袞冕冬至則服通天冠絳紗袍御輿出自西房即御座南向坐符寶郎奉寶置於前公王以下及諸客使等以次入就位典儀曰再拜贊者承傳在位者皆再拜上公一人詣西階席脫烏跪解劍置於席升當御座前北面跪賀稱某官臣某言元正首祚景福惟新伏惟開元神武皇帝陛下與天同休乃降階詣席跪祝伏興納烏復位在位者皆再拜侍中前承詔降諸羣官東北西面稱有制在位者皆再拜宣制曰履新之慶與公等同之在位者皆再拜舞蹈三稱萬歲又再拜初羣官將朝中書侍郎以諸州鎮表別爲一案俟於右延明門外給事中以祥瑞案俟於左延明門外侍郎給事中俱就侍臣班初入戶部以諸州貢物陳于太極門東東西廊禮部以諸蕃貢物可執者蕃客執入就位其餘陳於朝堂前上公將入門中書侍郎給事中皆降各引其案入詣東西階下立上公將升賀中書令黃門侍郎俱降各立取所奏之文以次升上公已賀中書令前跪奏諸方表黃門侍郎又進跪奏祥瑞俱降置所奏之文於案侍中與給事中引案退至東西階前案出初侍中已宣制朝集使及蕃客皆再拜戶部尚書進詣階間跪奏稱戶部尚書臣某言諸州貢物請付所司侍中前承制退稱制曰可禮部尚書以次進詣階

間跪奏稱禮部尚書臣某言諸蕃貢物請付所司侍中前承制退稱制曰可太府卿其屬受諸州及諸蕃貢物出歸仁納義門執物者隨之典儀曰再拜通事舍人以次引北面位者出侍中前跪奏稱侍中臣某言禮畢皇帝降坐御輿人自東房侍臣從至閣引東西面位者以次出蕃客先出冬至不奏祥瑞無諸方表共會則太樂令設登歌於殿上二舞人立於縣南尚舍設羣官升殿者坐文官三品以上於御座東南西向介公鄒公在御座西南東向武官三品以上又於其後朝集使都督刺史蕃客三等以上座如立位設不升殿者座各於其位又設羣官解劍席於縣之西北橫街之南尚舍設壽尊於殿上東序之端西向設站於尊南加爵一太官令設升殿者酒尊於東西廂近北設在庭羣官酒尊各於其座之南皆有玷器俱障以帷吏部兵部戶部主客贊羣官客使俱出次通事舍人引就朝堂前位又引非升殿者次入就位侍中版奏外辦皇帝改服通天冠絳紗袍御輿出自西房即御座典儀一人升就東階上通事舍人引公王以下及諸客使以次入就位侍中進當御座前北面跪奏稱侍中臣某言請延諸公王等升又侍中稱制曰可侍中詣東階上西面稱制延公王等升殿上典儀承傳階下贊者又承傳在位者皆再拜應升殿者詣東西階至解劍席脫烏解劍升上公一人升階少東西面立於座後光祿卿進詣階間跪奏稱臣某言請賜羣臣上壽侍中稱制曰可光祿卿退升詣酒尊所西向立上公詣酒尊所北面尚食酌酒一爵授上公上公受爵進前北面授殿中監殿中監受爵進

置御前上公退北面跪稱某官臣某等稽首言元正首祚臣某等不勝大慶謹上千秋萬歲壽再拜在位者皆再拜立於席後侍中前承制退稱敬舉公等之觴在位者又再拜殿中監取爵奉進皇帝舉酒在位者皆舞蹈三稱萬歲皇帝舉酒訖殿中監進受虛爵以授尚食尚食受爵於玷初殿中監受虛爵殿中典儀唱再拜階下贊者承傳在位者皆再拜上公就座後立殿中典儀唱就座階下贊者承傳俱就座歌者琴瑟升坐笙管立階間尚食進酒至階殿上典儀唱酒至興階下贊者承傳坐者皆俯伏起立於席後殿中監到階省酒尚食奉酒進皇帝舉酒太官令又行羣官酒酒至殿上典儀唱再拜階下贊者承傳在位者皆再拜揖笏受解殿上典儀唱就座階下贊者承傳皆就座皇帝舉酒尚食進受虛爵復於玷觴行三周尚食進御食食至階殿上典儀唱食至興階下贊者承傳坐者皆起立座後殿中監到階省案尚食品嘗食訖以次進置御前太官令又行羣官案設食訖殿上典儀唱就座階下贊者承傳皆就坐皇帝乃飯上下俱飯御食畢仍行酒遂設庶羞二舞作若賜酒侍中承詔詣東階上西面稱賜酒殿上典儀承傳階下贊者又承傳坐者皆起再拜立受解就席坐飲立授虛爵又再拜就座酒行十二遍會畢殿上典儀唱可起階下贊者承傳上下皆起降階佩劍納烏復位在位者皆再拜立於席後典儀曰再拜贊者承傳在位者皆再拜若有賜物侍中前承制降諸羣官東北西面稱有制在位者皆再拜侍中宣制又再拜以次出侍中前跪奏稱侍中臣某言禮畢皇帝與御輿入

自東房東西面位者以次出

遼

遼以元旦受群臣朝賀仍率群臣詣皇太后行禮  
按遼史禮志正旦朝賀儀臣僚並諸國使昧爽入朝  
奏班齊皇帝升殿坐契丹舍人殿上通引契丹臣  
僚東洞門入引漢人臣僚並諸國使西洞門入合班  
舞蹈五拜鞠躬躬身引親下東階上殿欄內褥位俛  
伏跪自通全衙臣某等祝壽訖伏興退引東階下殿  
復位舞蹈五拜畢鞠躬躬身引親下東階上殿欄內  
褥位鞠躬以下聽制訖再拜鞠躬躬身引親下東階  
稱有敕班首以下聽制訖再拜鞠躬躬身引親下東  
新之慶與公等同之舍人贊謝宣諭拜舞五拜贊  
各祇候分班引引首西階上殿奏表曰訖教坊  
起居賀十二拜畢贊各祇候引契丹漢人臣僚並諸  
國使東西洞門入合班再拜贊進酒引親王東階上  
殿就欄內褥位樽旁執壺進酒訖退復褥位置壺  
出笏少前俯跪自通全衙臣某等謹進千萬歲萬酒  
俯伏興退復褥位與殿下臣僚皆再拜鞠躬躬身引  
使殿上鞠躬奏臣等恭稱有制親王以下再拜如初  
儀傳宣云飲公等壽酒與公等內外同慶舍人贊謝  
宣諭如初贊各祇候親王樽旁執壺進酒訖下臣僚分  
班皇帝飲酒教坊奏樂殿上下臣僚皆拜稱萬歲贊各  
祇候樂止教坊再拜皇帝卒飲親王進受復褥位  
置壺出笏指臣僚合班引親王東階下殿復位鞠躬  
躬再拜贊各祇候分班引出皇帝起詣皇太后殿臣  
僚並諸國使皆從皇太后升殿皇帝東方側坐引契  
丹漢人臣僚並諸國使兩洞門入班稱賀進酒皆如  
皇帝之儀畢引出教坊入起居進酒亦如之皇太后

宣答稱聖旨契丹班謝宣宴上殿就位立漢人臣僚  
並諸國使東洞門入丹墀東方面西鞠躬舍人鞠躬  
通文武百僚宰臣某以下謝宣宴再拜出班致詞訖  
退復位舞蹈五拜贊各上殿祇候引宰臣以下並諸  
國使副方稱榮殿臣僚西階上殿就位立不應坐臣  
僚並於西洞門出二人監瓊教坊再拜贊各上階下  
殿謝宴如皇太后生辰儀 又按樂志正月朔日朝  
賀用宮懸雅樂元會用大樂曲破後用散樂角觥終  
之是夜皇帝宴飲用國樂

宋

太祖建隆二年正月朔上詣太后宮門稱慶始受朝  
賀於崇元殿

按宋史太祖本紀建隆二年春正月丙申朔上詣太  
后宮門稱慶 按禮志太祖建隆二年正月朔始受  
朝賀於崇元殿服袞冕設宮懸侍衛如儀儀退羣臣  
詣皇太后宮門奉賀帝常服御廣德殿羣臣上壽用  
教坊樂

乾德四年春受朝賀羣臣上壽始用樂歌二舞

按宋史太祖本紀不載 按禮志乾德四年於朝元  
殿賀甲常服御大明殿羣臣上壽始用雅樂登歌二  
舞羣臣酒五行罷

太宗淳化三年春正月朔命有司定上壽儀

按宋史太宗本紀不載 按禮志太宗淳化三年正  
月朔命有司約開九禮定上壽儀皆以法服行禮設  
宮縣備舞酒三行罷

仁宗天聖五年春正月朔率百官上皇太后壽酒畢  
乃受朝大安殿

按宋史仁宗本紀天聖五年春正月壬寅朔初率百  
官上皇太后壽於會慶殿遂御天安殿受朝 按禮  
志仁宗天聖四年十二月詔明年正月朔先率百官  
赴會慶殿上皇太后壽酒畢乃受朝天安殿仍令太  
常禮院修定儀制五年正月朔曉漏未盡三刻宰臣  
百官與遼使諸軍將校並常服班會慶殿內侍請皇  
太后出殿後輦鳴鞭升坐又詣殿後皇帝幄引皇帝  
出帝服幘袍於簾內北向褥位再拜跪稱臣某言元  
正啓祚萬物惟新伏惟尊號皇太后陛下膺時納祐  
與天同休內常侍承旨答曰殿新之祐與皇帝同之  
帝再拜詣皇太后御坐稍東內給侍酌酒授內謁者  
監進帝跪進訖以盤興內謁者監承接之帝却就褥  
位跪奏曰臣某稽首言元正令節不勝大慶謹上千  
萬歲壽再拜內常侍宣答曰恭舉皇帝壽酒帝再拜  
執盤侍立教坊樂止皇帝受虛醴還輦通事舍人引  
百官橫行典儀贊再拜舞蹈起居太尉升自西階稱  
賀廉外降還位皆再拜舞蹈侍中承旨曰有制皆再  
拜宜曰履新之吉與公等同之皆再拜舞蹈閣門使  
兼外奏宰臣某以下進壽酒皆再拜太尉升自東階  
翰林使酌酒盡授太尉執盞跪進簾外內謁者  
監跪接以進太尉跪奏曰元正令節臣等不勝慶忭  
謹上千萬歲壽降還位皆再拜宣徽使承旨曰舉公  
等觴皆再拜太尉升立簾外樂止內謁者監出簾授  
盧壽太尉降階橫行皆再拜舞蹈宣徽使承旨曰羣  
臣升殿再拜升及東西廂坐酒三行侍中奏禮畢退  
樞密使以下迎乘輿於長春殿起居稱賀百官就朝  
堂易朝服班大安殿朝賀帝服袞冕受朝禮官通事

舍人引中書令門下侍郎各於案取所奏文詣衛位  
脫劍鳥以次升分東西立者方鎮表祥瑞案先置門  
外左右令使絳衣對案給事中押祥瑞中書侍郎押  
表案入分詣東西階下對立既賀更服通天冠絳紗  
袍稱觴上壽止舉四爵乘輿還內恭謝太后如常禮  
神宗元豐元年命定元會儀注

按宋史神宗本紀元豐元年十一月己丑命龍圖閣  
直學士宋敏求等詳定止旦御殿儀注 按禮志神  
宗元豐元年詔龍圖閣直學士史館修撰宋敏求等  
詳定正殿御殿儀注敏求遂上朝會儀 簡令式四  
十篇詔頒行之其制元正大朝會有司設御坐大慶  
殿東西房于御坐之左右少北東西閣于殿後百官  
宗室客使次于朝堂之內外五輅先陳于庭兵部設  
黃麾仗于殿之內外大樂令展宮架之樂于橫街南  
鼓吹令分置十二案于宮架外協律郎二人一位殿  
上西階之前檻一位宮架西北俱東向陳輿轎御馬  
十龍墀綴扇于沙墀貢物于宮架南餘則列大慶門  
外陳布將士于街左右金吾六軍諸衛勒所部列黃  
麾大仗于門及殿庭百僚客使等俱入朝文武常參  
官朝服陪位官公服近仗就陳于閣外大樂令樂工  
協律郎入就位中書侍郎以諸方鎮表案給事中以  
祥瑞案俟于大慶門外之左右諸侍衛官各服其器  
服輩出至西閣降鞶符寶郎奉寶詣閣門奉迎百官  
客使陪位官俱入就位侍中版奏中嚴又奏外辦殿  
上鳴鞭宮縣撞黃鐘之鐘右五鐘皆應內侍承旨索  
扇扇合帝服通天冠絳紗袍御輿出協律郎舉麾奏  
乾安樂鼓吹振作帝出白西房降輿即坐扇開殿下

鳴鞭協律郎偃麾樂止爐烟升符寶郎奉寶置御坐  
前中書侍郎給事中押表案祥瑞案入詣東西階下  
對立百官宗室及遠使班分東西以次入正安樂作  
就位樂止押樂官歸本班起居畢復案位三師親王  
以下及御史臺外正任遠使俱就北向位典儀贊在  
位者皆再拜起居訖太尉將升中書令門下侍郎俱  
降西階下立太尉詣西階下解劍脫鳥升殿中書令  
門下侍郎各於案取所奏之文詣侍衛解劍脫鳥以  
次升分東西立太尉詣御前北面跪奏文武百寮太  
尉具官臣某等言元正啓祚萬物咸新伏惟皇帝降  
下應乾納祐與天同休伏興降階佩劍納鳥還位  
在位官俱再拜起居 稱萬歲內拜侍中進當御前  
承旨退臨階西向稱制宣答曰履新之慶與公等同  
之贊者曰拜舞 稱萬歲橫行官分班立中書令  
門下侍郎升詣御前各奏諸方鎮表及祥瑞訖戶  
部尚書就承制位俛伏跪奏諸州貢物請付所司禮  
部尚書奏諸蕃貢物如之司大監奏雲物祥瑞請付  
史館皆如上儀侍中進當御前奏禮畢殿上承旨  
索扇殿下鳴鞭宮縣撞黃鐘之鐘右五鐘皆應協律  
郎舉麾宮縣奏乾安樂鼓吹振作帝降坐御輿入白  
東房扇開偃麾樂止侍衛解嚴百官退還次客使  
陪位官並退有司設食案太樂令設登歌殿上二舞  
人立于架南預坐當升殿者位御坐之前文武相向  
異位重行以北上非升殿者位于東西廊下尚食  
奉御設壽尊于殿東檻少南設站于尊南加爵一有  
司設上下羣臣酒尊殿下東西廂侍衛官及執事者  
各立其位仗衛仍立俟上壽百官立班如朝賀儀侍

中版奏中嚴外辦聞鳴鞭索扇帝服通天冠絳紗袍  
御輿出東房樂作帝即坐扇開樂止贊拜畢光祿卿  
詣橫街南跪奏具官臣某言請允羣臣上壽興侍中  
承旨稱制可少退舍人曰拜光祿卿再拜訖復位三  
師以下就位贊者曰拜在位者皆拜舞三稱萬歲太  
尉升殿詣壽尊所北向尚食奉御酌御酒 贊授太  
尉指撝執爵詣前跪進帝執爵太尉出笏俛伏與少  
退跪奏文武百寮太尉具官臣某等稽首言元正首  
祚臣等不勝大慶謹上千萬壽俛伏興降復位贊者  
曰拜在位者皆再拜三稱萬歲侍中承旨退西向宣  
曰舉公等賜贊者曰拜在位者皆再拜三稱萬歲北  
向班分東西序立太尉自東階侍立舉第一爵和安  
樂作飲畢樂止太尉受虛爵復於站降階三師以下  
贊拜舞踏稱萬歲如上儀侍中進奏侍中具官臣某  
言請延公主等升殿俯伏興降復位侍中承旨退稱  
有制贊者曰拜在位者皆再拜宣曰延公主等升殿  
贊者曰拜在位者皆再拜公主等詣東階侍立席後  
尚食奉御進酒殿中監省酒以進帝舉第二爵登歌  
作甘露之曲飲訖殿中監受爵樂止羣臣升殿就橫  
行位舍人曰各賜酒贊者曰拜羣官皆再拜三稱萬  
歲舍人曰就坐太官令行酒指撝受酒宮縣作正安  
樂之樂文舞入立宮架北觴行一周凡行酒訖並太官  
令奏巡周樂止尚食進食升階以次置御坐前又設  
羣官食訖太官令奏食福太樂承引盛德升聞之舞  
入作三變止出殿中監進第三爵羣官立席後登歌  
作瑞木成文之曲飲訖樂止殿中承受虛爵舍人曰  
就坐羣官皆坐又行酒作樂進食如上儀太樂承引

天下大定之舞作三變止出殿中監進第四爵登歌奏嘉禾之曲如第三爵太官令行酒又一周樂止舍人曰可起百寮皆立席後侍中進御坐前跪奏禮畢俛伏與羣官俱降階復位贊者曰拜皆再拜舞畢三稱萬歲起分班立殿上索扇扇合殿下鳴鞭太樂令撞蕤賓之鐘左右鐘皆應協律郎俯伏舉麾太樂令奏乾安之樂鼓吹振作帝降坐御輿入自東房扇開樂止侍中奏解嚴所司承旨放仗百寮再拜相次退

按東京夢華錄正旦大朝會車駕坐大慶殿有介冑長大人四人立於殿角謂之鎮殿將軍諸國使人入賀殿庭列法駕儀仗百官皆冠冕朝服諸路舉人解首亦士服立班其服二梁冠白袍青緣諸州進奏吏各執方物入獻諸國使人入大遼大使頂金冠後簪尖長如大蓮葉服紫窄袍金蹀躞副使展裏金帶如漢服大使拜則立左足跪右足以兩手著右肩爲一拜副使拜如漢儀夏國使副皆金冠短小樣製服緋窄袍金蹀躞弔敦皆叉手展拜高麗與南番交州使人並如漢儀同紇皆長髯高鼻以正帛纏頭散披其服于闐皆小金花氍毹金絲戰袍束帶並妻男同來乘駱駝氍毹銅鐸入貢三佛齊皆瘦脊纏頭緋衣上織成佛面又有南蠻五姓番皆椎髻烏氍毹並如僧人禮拜入見旋賜漢裝錦襖之類更有真臘大理大石等國有時來朝貢其大遼使人在都亭驛夏國在都亭西驛高麗在梁門外安州巷同文館同紇于闐在禮賓院諸番國在瞻雲館或懷遠驛唯大遼高麗就館賜宴大遼使人朝見訖翼日詣大相國寺燒香次日

詣南御苑射弓朝廷旋選能射武臣伴射就彼賜宴三節人皆與焉先列招箭班十餘於垛子前使人多用弩子射一裏無脚小模頭子錦襖子遼人踏開弩子舞旋搭箭過與使人彼窺得端正止令使人發牙側木朝伴射用弓箭中的則賜關裝銀鞍馬衣著金銀器物有差伴射得捷京師市井兒遮路爭獻口號觀者如堵翼日使人朝辭朝退內前燈山已上緣其速如神

哲宗元祐八年春正月元會改立御馬於庭

按宋史哲宗本紀不載按禮志元祐八年太常博士陳祥道言貴人駿馬古今所同故觀禮馬在庭而侯氏升堂致命聘禮馬在庭而賓升堂私觀今元會儀御馬立于龍輦之上而特進以下立下庭是不稱尊賢才體群臣之意請改儀注以御馬在庭于義爲允

徽宗政和 年定皇太子元正受賀之禮

按宋史徽宗本紀不載按禮志皇太子元正冬至受群臣賀儀政和新儀前一日有司於東門外量地之宜設三公以下文武群官等次如常儀典儀設皇太子答拜褥位於階下南向又設文武群官版位於門之外其日禮直官舍人先引三公以下文武群臣以次入就位立定禮直官舍人引左庶子詣皇太子前跪請內殿少頃又言外備內侍宴簾皇太子常服出次左右侍衛如常儀皇太子降階詣南向褥位典儀曰再拜贊者承傳曰再拜三公以下皆再拜皇太子答拜畢自少前稱賀云元正首祚景福維新伏惟皇太子殿下與時同休賀訖少退復位左庶子前承

命詣羣臣前答云元正首祚與公等均慶典儀曰再拜班首以下皆再拜皇太子答拜訖禮直官通事舍人引三公以下文武百官以次出內侍引皇太子升階還次降簾侍衛如常儀少頃禮直官舍人引知樞密院官以下入就位立定內侍引皇太子降階詣南向褥位樞密以下參賀如上儀訖退次引師傅保賀客以下入就位參賀如上儀師傅保以下以次出內侍引皇太子升坐禮直官引文武百官入就位重行北向立典儀曰再拜在位官皆再拜左庶子少前跪言具官某言元正首祚伏惟皇太子殿下與時同休俛伏興復位典儀曰再拜在位者皆再拜分東西序立左庶子少前跪言禮畢左右近侍降簾皇太子降坐官官退左右侍衛以次出

高宗紹興十五年春正月始復御大慶殿受朝賀如儀

按宋史高宗本紀紹興十五年春正月丁未朔御大慶殿初行大朝會禮按禮志紹興十二年十月臣僚言竊以元正一歲之首冬至一陽之復聖人重之制爲朝賀之禮焉自土世以來未之有改也漢高祖以五年即位而七年受朝于長樂宮我太祖皇帝以建隆元年即位受朝于崇元殿主上臨御十有六年正至朝賀初未嘗講艱難之際宜不遑暇茲者太母還宮國家大慶四方來賀重惟其時欲望自今元正冬至舉行朝賀之禮以明天子之尊庶幾舊典不至廢墜禮部太常寺考定朝會之禮依國故事設黃麾大仗車輅法物樂舞等百寮服朝服再拜上壽宣王公升殿間飲三周詔自來年舉行十一月權禮部侍

郎王賞等言朝會之制正旦冬至及大慶受朝受賀  
係御大慶殿其文德紫宸垂拱殿禮制各有不同月  
朔視朝則御文德殿之前殿正衙仍設黃麾半仗  
紫宸垂拱皆係側殿不設儀仗元正在近大慶殿之  
禮事務至多乞候來年冬至別行取旨詔從之明年  
閣門言依汴京故事遇行大禮則冬至及次年正旦  
朝會皆罷十四年九月有司言明年正旦朝會請權  
以文德殿爲大慶殿合設黃麾大仗五千二十七人  
欲權減三分之一合設八寶于御座之東西及登歌  
宮架樂舞諸州諸藩貢物行在致仕官諸路貢士舉  
首並令立班詔從之十五年正旦御大慶殿受朝文  
武百官朝賀如儀

孝宗淳熙八年春正月御殿引見金使始率皇后  
太子至德壽宮行朝賀禮

按宋史孝宗本紀不載 按辟寒淳熙七年十二月  
廿八日南內遣御藥并後苑官管押進奉南宮守歲  
合食劇金銀錢消夜歲餘果兒錦曆鍾應爆仗羔兒  
法酒春牛花榮等就奏知太上元日欲先詣宮朝賀  
然後還內引見大金使人太上不許傳語官家至日  
可先引見使人訖却行到宮禮正月元日上坐紫宸  
殿引見使人訖即率皇后皇太子太子妃至德壽宮  
行朝賀禮進呈書本使人面貌姓名及館伴問答是  
歲太上聖壽七十有五舊歲欲行慶壽禮太上不許  
至是乃密進黃金酒器 千兩上侍太上於櫺木堂  
香閣內說話宣喚棋待詔並小說人孫奇等十四人  
下棋兩局各賜銀絹供泛索訖官家恭請太上太后  
來就南內排當初二日早進膳訖遣太子到宮恭迎

兩殿并只用轎兒禁衛簇擁入內官家親王殿門恭  
迎視扶太上降登至損齋進茶訖至清燕殿看書畫  
翫器約午初刻後苑供進酥酒十色熬煮午正三刻  
就凌虛閣排當三盞後至華慈華堂看梅上進銀三  
萬兩會千十萬貫太上云宮中無用錢處不須得再  
三奏請止受三分之一未初刻雪天下正是臘前太  
上甚喜謂官家云今年正欠些雪可謂及時却甚好  
但恐長安有凍者上奏云已令有司比去歲倍數支  
散太上方命提舉官于本宮支備官會照朝廷之數  
命近侍進酒宮裏上壽近臣獻詞云紫皇高宴仙臺  
雙成戲擊瓊苞碎何人爲把銀河水將甲兵都洗玉  
乾坤八荒同色了無塵翳喜冰消太液暖融鵲端  
門曉班初退聖主憂民深意轉鴻鈞滿天和氣太平  
有象三宮二聖萬年千歲雙玉杯深五雲樓迴不妨  
頻醉看來不似飛花片片是豐年瑞太上大喜賜銀  
金酒器二百兩細色段疋復占殿香羔羔酒太后命  
本宮歌板色歌此曲進酒太上盡醉至更深宣轎兒  
入便門上親扶升輦還宮

淳熙十三年春正月帝率羣臣詣德壽宮行禮  
按宋史孝宗本紀淳熙十三年春正月庚辰朔率羣  
臣詣德壽宮行慶壽禮大赦文武臣僚並理三年磨  
勘免貧民丁身錢之半爲一百一十餘萬緡內外諸  
軍犒賜共一百六十萬緡 按禮志淳熙十三年春  
正月朔以太上皇帝聖壽八十帝率羣臣詣德壽宮  
行禮其儀注恩赦並如淳熙二年典故

按乾淳歲時記朝廷元日冬至行大朝會儀則百官  
冠冕朝服備法駕設黃麾仗三千二百五十人

之三用太常雅樂宮架登歌太子上公親王宰執並  
赴紫宸殿立班進酒上千萬歲壽上公致辭樞密宣  
答及諸國使人及諸州人獻朝賀然後奏樂進酒賜  
宴此禮不能常行每歲禁中止是以三茅鐘鳴駕興  
上服幘頭玉帶靴袍先詣福寧殿龍墀及聖堂炷香  
用膳訖次至大章閣祖宗神御殿行酌獻禮次詣東  
朝奉賀復回福寧殿受皇后太子皇子公主貴妃至  
郡夫人內官大內已下賀賀畢駕始過大慶殿御史  
臺閣門分引文武百僚追班稱賀大起居十六拜致  
辭上壽樞密宣答禮畢放仗是日後苑排辦御筵于  
清燕殿用插食盤架午後修內司排辦晚筵于慶瑞  
殿用煙火進市食賞燈並如元夕

金

金以元旦受皇太子及臣僚客使朝賀上壽賜宴  
按金史禮志元日聖誕上壽儀皇帝陞御座鳴鞭報  
時畢殿前班小起居各復付立位舍人引皇太子并  
臣僚使客各班入至丹墀舞蹈五拜平立閣使奏諸  
道表白皇太子以下皆再拜引皇太子升殿爵位播  
笏捧盞盤進酒皇帝受置於案皇太子退復爵位轉  
盤與執事者出笏二閣使齊揖入欄子內拜跪致詞  
云元正啓祚品物咸新恭惟皇帝陛下與天同休若  
聖節則云萬春令節謹上壽厄伏願皇帝陛下萬歲  
萬歲萬萬歲祝畢拜興復爵位同殿下羣僚皆再拜  
宣徽使稱有制在位者皆再拜宣答曰履新上壽與  
卿等內外同慶聖節則曰得卿詩酒與卿等內外同  
慶詞畢舞蹈五拜齊立皇太子揖笏執盤臣僚分班  
教坊奏樂皇帝舉酒殿上下侍立臣僚皆再拜皇太

子受虛盡退立褥位轉盤盡與執事者出笏左下殿樂止合班在位臣僚皆再拜分引與宴官上殿次引宋國人從至丹墀再拜不出班奏聖躬萬福再拜唱有敕賜酒食又再拜各祇候平立引左廊立次引高麗夏人從如上儀畢分引左右廊立御果牀入進酒皇帝飲則坐宴侍立臣皆再拜進酒官接盡還位坐宴官再拜復坐行酒傳宣立飲訖再拜坐次從人再拜坐三盡致語揖臣使并從人立誦口號畢坐宴侍立官皆再拜坐次從人再拜坐食入七盡曲將終揖從人立再拜畢引出聞曲時揖臣使起再拜下殿果牀出至丹墀合班謝宴舞踏五拜各祇候分引出世宗大定二年定皇太子正旦日受賀之儀

按金史世宗本紀不載 按禮志大定二年命有司議親王百官妃主命婦見皇太子禮有司按唐宋舊儀擬親王宗室賀皇太子依冊畢受賀禮然唐禮元正復有降階見伯叔答羣官再拜之文又無妃主命婦見太子之禮稽古令文應致恭之官相見或貴賤殊隔或長幼親戚任從私禮自今若在東宮候皇太子便服則當從私禮接見若三師以下遇皇太子誕日在御前則候皇太子先進酒畢百官望皇太子再拜班首跪進酒又再拜若賜酒即當殿跪飲畢又再拜以爲定制命頒行之十 月晦皇太子奏狀曰按禮文親王并一品宗室皆北面拜伏臣但答揖而已雖曰尊宗子而在長幼悖叙之間誠所未安當時遽蒙頒降未獲謙讓明日元正有司將舉此禮伏望聖慈許臣答拜庶敦親親友愛之義上從其請命尚書省頒下所司若皇太子生日則公服左上露臺欄子

外先再拜二問使齊揖入欄子內拜跪祝畢就拜興復位再拜又再拜樓臺進酒退跪候飲畢接盡復位轉臺與執事者再拜宣徽使以酒進皇帝親賜酒接盡稍退跪飲畢宣徽使接盡復位再拜復揖入欄子內跪接筭受賜物畢出筭與復位再拜退更衣入殿稍東西向立皇妃等進勸生日酒皇太子跪皇妃等亦跪飲畢各再拜羣官致賀則其日質明皆公服集於門外少詹事奏請內嚴又奏外備典儀引升座文武官臣入就庭下重行北向立典儀曰再拜在位官皆再拜班首稍前跪奏元正首祈生日則云慶誕令辰伏惟皇太子殿下福壽千秋賀畢復位典儀曰再拜宮臣皆再拜坐受分東西序立次引東宮三師于殿上三少于殿柱外北向東上立皇太子詣南向褥位典儀曰再拜師少皆再拜班首同前稱賀復位執事者酌酒一卮班首奉進樂作飲訖樂止同前師少畢各復位典儀贊師少再拜皇太子答拜師少出皇太子就坐次引親王入欄子內一品宗室于欄子外餘宗室序班庭下拜致賀進酒如上儀皇太子答拜畢就坐復引隨朝三師三公宰執于殿上三品以上職事官于露階上四品以下于庭下北向每等重行以東爲上立皇太子詣褥位典儀曰再拜上下皆再拜班首少前致賀復位執事者酌酒一卮班首奉進樂作飲畢樂止如有進獻如常儀回勸三師三公餘殿上羣官則令執事者以盤行酒飲畢典儀曰再拜上下皆再拜乃答拜引羣官以次出少詹事跪奏禮畢自是歲賀爲定制

元

元以元日受群臣朝賀上壽賜宴四品以上于殿五品以下于門

按元史禮樂志元正受朝儀前期三日習儀于聖壽萬安寺前一日陳設于殿庭至期大昕侍儀使引導從護尉各服其服入至寢殿前捧牙牌跪報外辦內侍入奏出傳制曰可侍儀俯伏與皇帝出閣陞轎鳴鞭三侍儀使並通事舍人分左右引擎執護尉劈正斧中行導至大明殿外劈正斧直正門北向立導從倒卷序立惟扇置干鈎侍儀使導駕時引進使同內侍官引宮人擎執導從入至皇后宮庭捧牙牌跪報外辦內侍入啓出傳旨曰可引進使俯伏與皇后出閣陞轎引進使引導從導至殿東門外引進使分退押直至聖塗之次引導從倒卷出俟兩宮升御榻鳴鞭三劈正斧退立於露階東司晨報時鷄鳴畢尚引引殿前班皆公服分左右入日精月華門就起居位相向立通班舍人唱曰左右衛上將軍兼殿前都點檢臣某以下起居尚引唱曰鞠躬曰平身引至丹墀拜位知班報班齊宣贊唱曰拜通贊贊曰鞠躬曰拜曰興曰拜曰興曰都點檢稍前宣贊報曰聖躬萬福通贊贊曰復位曰拜曰興曰拜曰興曰平身曰揖笏曰鞠躬曰三舞蹈曰跪左膝三叩頭曰山呼曰山呼曰再山呼曰出笏曰就拜曰興曰拜曰興曰拜曰興曰平立宣贊唱曰各恭事兩班點檢宣徽將軍分左右陞殿宿直以下分立殿前尚底分立仗南管旗分立大明門南楹俟后妃諸王駙馬以次賀獻禮畢典引引丞相以下皆公服入日精月華門就起居位通班唱曰文武百僚開府儀同三司錄軍國重事監修

國史右丞相臣某以下起居典引贊曰鞠躬曰平身引至丹墀拜位知班報班齊贊唱曰拜通贊贊曰鞠躬曰拜曰興曰興曰平身曰揖曰鞠躬曰三舞蹈曰跪左膝三叩頭曰山呼曰山呼曰再山呼曰出笏曰就拜曰興曰興曰興曰興曰平身侍儀使詣丞相前請進酒雙引升殿前行樂工分左右引登歌者及舞童舞女以次升殿門外露階上登歌之曲各有名音中本月之律先期候風司通謂丞相至宇下褥位立侍儀使分左右北向立俟前行色曲將半舞旋列定通贊唱曰分班樂作侍儀使引丞相由南東門入宣徽使奉隨至御榻前丞相跪宣徽使立於東南曲終丞相祝贊曰溥天率土所天地之洪福同上皇帝皇后億萬歲詩宣徽使答曰如所祝丞相俛伏與退詣進酒位尚醴官以觴授丞相丞相相搗笏捧觴北面立宣徽使復位前行色降舞旋至露階上教坊奏樂樂舞至第四拍丞相進酒皇帝舉觴宣贊唱曰殿上下侍立臣僚皆再拜通贊贊曰鞠躬曰拜曰興曰興曰平身丞相三進酒畢以觴授尚醴官出笏侍儀使雙引自南東門出復位樂止通贊贊曰合班禮部官押進奏表章禮物二案至橫階下宣禮物舍人進讀禮物曰至第二重階俟進讀表章官等翰林國史院至宇下齊跪宣表目令人先讀中外百司表目翰林院官讀中書省表畢皆俛伏與退降第一重階下立俟進讀禮物舍人阻階至宇下跪讀禮物目畢俛伏與退同降至橫階隨表章西行至右樓下侍儀仍領之禮物東行至左樓下太府受之宣贊唱曰拜通贊贊曰鞠躬曰拜曰興曰平身曰揖

笏曰鞠躬曰三舞蹈曰跪左膝三叩頭曰山呼曰山呼曰再山呼曰出笏曰就拜曰興曰興曰興曰興曰平身侍儀使詣丞相前請進酒雙引升殿前行樂工分左右引登歌者及舞童舞女以次升殿門外露階上登歌之曲各有名音中本月之律先期候風司通謂丞相至宇下褥位立侍儀使分左右北向立俟前行色曲將半舞旋列定通贊唱曰分班樂作侍儀使引丞相由南東門入宣徽使奉隨至御榻前丞相跪宣徽使立於東南曲終丞相祝贊曰溥天率土所天地之洪福同上皇帝皇后億萬歲詩宣徽使答曰如所祝丞相俛伏與退詣進酒位尚醴官以觴授丞相丞相相搗笏捧觴北面立宣徽使復位前行色降舞旋至露階上教坊奏樂樂舞至第四拍丞相進酒皇帝舉觴宣贊唱曰殿上下侍立臣僚皆再拜通贊贊曰鞠躬曰拜曰興曰興曰平身丞相三進酒畢以觴授尚醴官出笏侍儀使雙引自南東門出復位樂止通贊贊曰合班禮部官押進奏表章禮物二案至橫階下宣禮物舍人進讀禮物曰至第二重階俟進讀表章官等翰林國史院至宇下齊跪宣表目令人先讀中外百司表目翰林院官讀中書省表畢皆俛伏與退降第一重階下立俟進讀禮物舍人阻階至宇下跪讀禮物目畢俛伏與退同降至橫階隨表章西行至右樓下侍儀仍領之禮物東行至左樓下太府受之宣贊唱曰拜通贊贊曰鞠躬曰拜曰興曰平身曰揖

明

太祖洪武二十六年定元正朝賀之禮按明會典洪武二十六年定凡正旦前一日常寶司陳御座於奉天殿及寶案于御座之東又設香案于丹陛之南教坊司設中和韶樂于殿內之東西北向其日清晨錦衣衛陳兩儀儀仗于丹陛及丹墀之東西設朋扇於殿內東西列車輅步輦於丹墀東西相向鳴鞭四人左右北向教坊司陳大樂于丹陛之東西北向儀禮司設同文玉帛案于丹陛之東金吾衛設護衛官于殿內及丹陛之東西陳甲士于午門外奉天門外及丹墀東西錦衣衛設將軍于奉天門外丹陛丹墀及奉天門列旗幟于奉天門外東西典牧官陳仗馬犀象于文武樓南東西相向欽天監設司晨郎報時位于內道東近北立糾儀御史二人于丹墀北東西相向內贊二人于殿內外贊二人于丹墀北東西相向設傳制宣表等官位于殿內東西相向鼓初嚴文武官員朝服齊班于午門外鼓次嚴引禮引百官由左右掖門入詣丹墀東西北向立鼓三嚴

執事官詣華蓋殿伺候內官跪奏皇帝具袞冕陞座鐘聲止儀禮司官跪奏各執事官行禮贊五拜禮畢贊供事執事官各就位儀禮司官跪奏請降殿駕興中和韶樂奏聖安之曲尚寶官捧寶前行導駕官前導扇開簾捲尚寶官置寶于案樂止鳴鞭報時鳴唱曉對贊唱排班班齊贊禮唱鞠躬大樂作贊四拜平身樂止典儀唱進表大樂作給事中二人詣同文案前導引序班舉案由東門入置殿中樂止內贊唱宣表曰宣表目官跪宣訖俯伏興唱宣表展表官取表俯伏興平身序班即舉表案于殿東外贊唱樂官皆跪代致詞官跪于丹陛中致詞云具官臣某等茲遇三陽開泰萬物咸新恭惟皇帝陛下膺乾納祐奉天永昌賀訖外贊唱樂官皆俯伏興樂作四拜興平身樂止傳制官詣御前跪奏傳制俯伏興由東門靠東出至丹陛之東西向立稱有制贊禮唱跪百官皆跪宣制云履端之慶與卿等同之贊禮唱俯伏興平身樂止贊唱鞠躬三舞蹈贊跪唱山呼百官拱手加額曰萬歲唱山呼曰萬歲唱再山呼曰萬歲凡呼萬歲樂工軍校齊聲應之贊出笏俯伏興大樂作贊四拜平身樂止儀禮司官跪奏禮畢中和樂奏定安之曲駕興尚寶官捧寶導駕官前導至華蓋殿樂止引禮官引百官以次出又按明會典凡正旦日典單官設東宮座于文華殿中錦衣衛設儀仗于殿外東西教坊司陳大樂于文華殿內東西北向府軍衛列甲士旗幟于門外錦衣衛設將軍十二人于殿中門外及文華門外東西相向立儀禮司官設筆案

于殿東門外設文武官拜位于文華殿門外設傳令宣箋等官位于殿內東西執事官先行四拜禮訖各就位引禮引各官詣文華門外北向立儀禮司官啓請陞座導引官奉迎東宮具冕服出樂作陞座樂止贊禮唱班齊鞠躬樂作四拜興平身樂止唱進箋給事中前導箋案由殿東門入置殿中內贊唱宣箋目宣訖俯伏興平身唱宣箋外贊唱跪展箋官詣案前取箋宣箋官宣訖內外皆贊俯伏興平身即舉案于殿東外贊唱衆官皆跪代致詞官中道跪致詞云具官臣某等茲遇三陽開泰萬物咸新敬惟皇太子殿下茂膺景福賀畢唱衆官皆俯伏興平身傳令官跪啓傳令由東門左出至丹陛東西向立稱有令贊衆官皆跪宣令云履端之節同臻嘉慶贊興伏興樂作四拜平身樂止儀禮司官跪啓禮畢

世宗嘉靖十六年更定元旦朝會之儀

按明會典嘉靖十六年更定元旦前一日尚寶司設寶案于奉天殿寶座之東鴻臚寺設表案二十殿之東中門外禮部主客司設番國貢方物案八十丹陛之中道左右欽天監設時鼓于文樓之上教坊司設中和韶樂于奉天殿內東西設大樂于奉天門內東西俱北向至期錦衣衛陳鹵簿儀仗于丹陛及丹墀東西設扇于殿內東西陳車輅步辇于奉天門丹墀中道北向金吾等衛列甲士軍仗于午門外奉天門外丹墀東西旗手衛設金鼓于午門外列旗幟于奉天門外御馬監設仗馬錦衣衛設馴象于文武樓南東西相向欽天監設報時位于丹陛之東鼓初嚴百官具朝服齊班于午門外鼓次嚴引班官引百

官引進人員及四夷人等次第由左右掖門入詣丹墀序立欽天監鳴官司晨一員于文樓下西向錦衣衛將軍六員于殿內之南北向將軍四員于丹陛四隅東西相向鳴鞭四人于丹墀中道左右北向金吾等衛護衛官二十四員于丹陛之南六員于丹墀之北俱東西相向陳設方物鴻臚寺司賓署承一員徹方物案鴻臚寺序班十六員于丹陛中道左右外贊鴻臚寺鳴贊等官十二員于丹陛及丹墀東西糾儀御史十二員于丹墀之東西殿前侍班錦衣衛千戶六員光祿寺署官四員序班二員傳呼鳴鞭錦衣衛百戶四員俱于殿中門外東西相向導表六科都給事中二員序班二員十表案左右掌領侍衛官三員于殿內東西相向錦衣衛正指揮一員十簾右東向百戶二員于簾下左右相向各簾立以候鼓三嚴執事禮部堂上官并內贊鳴贊一員陳設表案并舉案序班五員典儀鴻臚寺司儀署丞一員捧去禮部儀制司官四員展表六部都察院通政司大理寺堂上官二員宣表致詞并傳制等項鴻臚寺堂上官五員捧寶尚寶司官二員導駕六科給事中十員殿內侍班翰林院官四員中書官四員糾儀御史四員序班二員及各遣祭官俱詣華蓋殿外候上具衰冕陞座鐘聲止入序立遣祭官以次復命訖各趨入丹墀班禮部堂上官跪奏方物并請上位右馬候得旨復位鴻臚寺卿跪奏執事官行禮贊五拜叩頭畢贊各供事鴻臚寺卿跪請陞殿駕興導駕官前導尚寶官捧寶前行中和樂作奏聖安之曲上御奉天殿陞座導駕官立于殿內柱下東西相向侍班翰林院

官立于東導駕官之後中書官立于西導駕官之後糾儀御史序班分立侍班官之下尚寶官置寶于案分立于導駕官之上樂止鳴鞭報時鷄唱訖外贊唱班班齊鞠躬大樂作四拜興平身樂止內贊贊進表大樂作導表官導表案至殿東中門止序班舉案入置殿中退立于東西柱下樂止贊宣表目禮部堂上官并宣表目官詣殿中跪宣畢各叩頭退贊宣表展表官取表同宣表官詣殿中跪外贊贊跪衆官皆跪宣畢展表官分東西先退內外皆贊俯伏大樂作興平身樂止宣表官退序班舉案置殿東外贊贊跪衆官皆跪代致詞官跪于丹陛中道致詞云公侯駙馬伯文武百官某官臣某等賀訖外贊贊俯伏衆官皆俯伏大樂作四拜興平身樂止傳制官詣御前跪奏傳制俯伏興由東門東出至丹陛之東西向立稱有制外贊贊跪衆官皆跪宣制宣訖外贊贊俯伏大樂作興平身樂止贊指紛躬躬三舞蹈贊跪唱山呼百官拱手加額曰萬歲唱山呼曰萬歲唱再山呼曰萬歲贊出旁俯伏大樂作四拜興平身樂止鴻臚卿詣御前跪奏禮畢鳴鞭中和樂作奏定安之曲駕興尚寶官捧寶導駕官前導至華蓋殿樂止引班官引百官人等以次出序班撤方物案所司設黃幄于丹陛上陳王府及勳臣總兵官外夷所進馬匹于丹墀內禮部并鴻臚寺官立于丹墀東候上易便服御黃幄甲士行禮畢禮部官詣御道中跪奏御馬過奏畢復位候馬過詣御道中跪奏馬過畢駕還宮

欽定古今圖書集成

第二十二卷目錄

元日部彙考二

尚書大傳

史記

淮南子

齊民要術

四民月令

遼史

輟耕錄

農政全書

遵生八牋

本草

事物原始

酌中志

直隸志書

山東志書

山西志書

河南志書

陝西志書

江南志書

浙江志書

溫州府

太湖縣

太湖縣

太湖縣

太湖縣

太湖縣

太湖縣

太湖縣

太湖縣

江西志書

湖廣志書

福建志書

四川志書

廣東志書

雲南志書

元日部彙考一

朝會賦

正會賦

元日觀上公獻壽賦

元日觀上公獻壽賦

送董提舉惜歲節酒啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

凡候歲美惡謹候歲始歲始或冬至日產氣始萌臘

明日人衆卒歲一會飲食發陽氣故曰初歲正月旦

王者歲首立春日四時之卒始也四始者候之日而

漢魏鮮集臘明正月旦決八風風從南方來大旱西

南小旱西方有兵西北戎菽爲小雨起兵北方爲中

歲東北爲上歲東方大水東南民有疾疫歲惡故八

風各與其衝對課多者爲勝多勝少久勝厥疾勝徐

日至食爲麥食至日昧爲稷昧至備爲黍備至下備

爲菽下備至日入爲麻欲終日有雨有雲有風有日

日當其時者深而多實無雲有風日當其時淺而多

實有雲風無日當其時深而少實有日無雲不風當

其時者稼有收如食頃小敗熟五斗米頃大敗則風

復起有雲其稼復起各以其時用雲色占種其所宜

其雨雪若寒歲惡是日光明聽都邑人民之聲聲宮

則歲善吉商則有兵徵旱羽水角歲惡

四時卒始索隱曰謂立春日是去年四時之終

卒今年之始也四始候之日正義曰謂正月旦歲

之始時之始日之始月之始故云四始言以四時

之日候歲吉凶也魏鮮孟康曰人姓名作占候者

戎菽爲孟康曰戎菽胡豆爲成也

淮南子

天文訓

以日冬至數來歲正月朔日五十日者民食足不滿

五十日日減一斗有餘日日益一升

齊民要術

正旦雲氣

正月朔日四面有黃氣其歲大豐此黃帝用事土氣

正旦雲氣

正旦雲氣

正旦雲氣

正旦雲氣

黃均四方並熟有青氣雜黃有煙蟲赤氣大旱黑氣大水正朔占歲星上有青氣宜桑赤氣宜豆黃氣宜稻

### 四民月令

#### 椒觴

正月之日潔祀祖禰進酒降神畢子孫各上椒酒於家長稱觴舉壽欣欣如也

#### 禮志

歲時雜儀正旦國俗以糯飯和白羊髓爲餅凡之若拳每帳賜四十九枚戊夜各于帳內懸中擲九子外數偶動樂飲宴數奇令至十有二人鳴鈴執箭繞帳歌呼帳內爆鹽爐中燒地拍風謂之驚鬼居七日乃出國語謂正旦爲過捫咿咿迺也也

#### 推正月朔歌

九年二月半便是正月一只九年中取大小無差失  
注前九年二月十五日辰即今年正月初一日辰該九十七箇半月三千八百六十日六甲轉四十八周

#### 農政全書

#### 嫁樹

元日五更雞鳴時點火把焙桑果果木等樹則無蟲以刀斧斑駁敲打樹身則結實此謂之嫁樹是日用尖刀刮破桃樹皮

#### 元日事宜

靈寶曰元日五更以紅棗祭五瘟畢合家食之吉  
山海經曰書桃符以厭鬼  
荆楚歲時記曰元日服桃仁湯爲五行之精可以伏白邪

月令圖經曰元日日未出時朱書赤靈符懸戶上  
靈心祕要曰元日取鵲巢燒灰著于門以避兵撤門裏以避盜

玉燭寶典曰元日作青粥以祀門戶

正月元旦迎祀竈神釘桃符上書一聯字掛鍾馗以辟一年之祟家長率長幼拜天地萬神詣本境土地五穀之神以祈一年之福或誦經呪完畢方禮并新年寅時飲屠蘇酒馬商賈以祛一年不正之氣

#### 屠蘇酒方

大黃 錢 桔梗 川椒 各五分  
桂心 八分 烏頭 六分 白木 八分  
茱萸 二分 防風 兩

以絳囊盛之懸井中至元日寅時取起以酒煎四五沸飲二三杯自幼小飲起

五衍書曰元日用麻子七粒赤豆七粒撒井中辟瘟疫又云吞赤小豆七粒服椒酒一杯吉

歲時雜記曰元日燒蒼木服蒼木湯吉

家範事親曰元日取小便洗腹氣大效

珠璣隱訣曰元日煎五香湯沐浴令人至老鬚黑注曰乃青木香也因其一株五根一莖五花一枝五葉一莖五節故云又以五香煎之

又一方云五香湯法用蘭香荊芥頭零陵香白檀木香等分咬咀煮湯沐浴辟除不祥可降神靈并治頭

風如無蘭香以甘松代之此又一說也  
元日四更時取葫蘆藤煎湯浴小兒終身不出痘瘡其藤須在八九月收藏又云在除夕葫蘆煎湯浴之亦可

元日天倉開日宜學道坐醮

#### 元日事忌

梅師方曰元日勿食梨以避離字之義勿食鯽魚頭中有蟲

#### 本草

#### 元日事宜

元日以大麻子三七粒投井水禳瘟疫  
凡口氣臭惡者正旦含井華水吐棄屋下數度即瘥也

正旦取古塚甕脫懸大門上一年無疫疾  
正月朔旦以赤小豆三七枚麻子七枚投井中辟瘟疫甚效

元日面東以蘇水吞赤小豆三七枚一年無諸疾病  
事物原始

#### 元旦

許慎說文云元者始也春秋謂一爲元董子曰人君體元居正故曰元年元日

#### 元日畫雞

東方朔占書以正月一日爲雞二犬三猪四羊五牛六馬七人八穀是日晴明主是物勝意王嘉拾遺記曰堯在位七十年祇支國獻重明鳥狀如雞或一歲數來或數歲一來國人莫不酒掃門戶以望其來或刻金寶爲其狀置戶牖間則鬼類自服今人于元旦

刻畫雞形于戶上蓋其遺像也今人于正旦畫雞于門貼人于帳正謂此也

酌中志略

宮中正旦

正月初一日正旦節自年前臘月二十四日祭竈之後宮眷內臣俱穿胡蘆景補子及蟒衣

直隸志書各省風俗同者不載

宛平縣

正月元旦五鼓時百官入朝行慶賀禮民間亦盛服焚香禮天地祀祖考拜尊長及姻友投刺互答曰拜年比戶放爆竹徹晝夜竿標燈樓揭以松柏枝夜燃之曰點天燈市井男女以髮穿烏紙畫綵爲鬧蛾兒簪之

良鄉縣

正月元旦祀神祀先換新衣謁官師拜尊長親戚往來交拜候陰晴觀日色以占年歲豐歉預治餽蔬三日內不煮生不煎炒迎喜神貴神

東安縣

正月歲首祀神祀先親詣墓所畢賀新年敬尊長更相賀歲歡飲隆師迎女迎節媚婦貼宜春字

昌平州

孟春月元旦昧爽設香燭牲醴祀神祇祖先家人稱壽旦罷市戚里相賀一日後遇占開市

房山縣

正月元旦預期爭誇錯畫酒果可以供數日之用客至即留極其款洽

平谷縣

元旦五更初起竈前先具香燭謂之接竈

永平府

元日官府望闕遙賀禮畢盛服詣公署往來交慶士民家昧爽設庭燎焚香燭食祀真宰祖福仍設於堂供獻家人卑幼拜家長舉觴稱壽貴家熱丹藥戶內謂之辟瘟喧鼓吹于庭院謂之開廳熾果炭于堂中以迎旺氣旦日出占色紅晴及西南風收葛林霞紅主絲貴霜重有雪主夏秋大旱云霧兵動人災取除夕所置百種而量較之出息者豐稔啓視藉豆而次數之以粒卜月潤者其月雨乾者其月旱人飲水主五穀升黃忌之戶前置水則主消災所插芝麻積主門戶清吉諸福咸臻所風具饋饌可供三日用戚里閉門罷市盛服交賀甥壻來謁舊飲

安肅縣

元旦卜杓以占歲之豐凶觀東方氣色以驗一歲之休咎

新城縣

元旦以日出紅色占收高糧霜多占收棉花

涿澤縣

元旦門前多立高竿懸輕羽于上謂之占風

肅寧縣

元旦子時設盛饌同享各食扁食名角子取更歲交子之義昧爽詣各廟品神風從東來夏糧賤風從南來夏糧賤土阜風從西來春夏米貴豆熟風從北來水災風從西南來收葛林

吳橋縣

元旦拜節貴賤通行今本縣拜節惟壻爲甚有信宿

而歸者有數日而歸者有至元宵前後而歸者諺云有心拜節寒食不道兒童有打核桃者有擊壤者有雛扮帶鬼臉者戲亦多端賭賽之風熾不能禁也歌曰輪贏帶歲幾文錢

天津衛

元旦親戚鄉里交拜履新互相設席名曰喫年茶

冀州

正旦五更具牲醴香燭迎祭神祇祭祖先兒童放紙炮謂之響歲說明雷飲曰賀春

內丘縣

元旦門設神茶壘壘剪絲羅曰迎新歲

末年縣

元日婦女埋菜餽于廟十六日取出糊紙爲面著女衣問休咎以叩頭爲驗曰戚姑娘或曰卽戚姬也

曲周縣

元旦賀歲室中禁掃除五日罷市士民初見相揖各道吉祥小兒女綵服競擊鼓嬉戲

邯鄲縣

元旦拜其祖先父母訖卽拜閭族親友凡相識俱到門致聲五服之內面見拜禮皆在本日遠者不拘至初三日往奠先塋亦拜賀之意也

山東志書

寧陽縣

元旦共食饌飽號曰填倉

黃縣

元旦五夜早起明燈俗名焰庭草室中火燒辟瘟丹山西志書

孟縣  
元旦夜半焚草以驗四方豐歉跌舊條三聲以示震動絲蠶之意

萬泉縣  
正旦前夕士民皆祭其先期懸黃紙錢于廟旁夜半祭畢焚紙酒酒闌旁者亦焚之酒湯酒或即古祭筋之意也比鷄鳴各懸黃紙于長竿以祀天口接天神又麻竿木炭懸之曰去瘟疫

壺關縣  
正旦閭巷雖有親厚者例不拜

河南志書  
陳留縣  
正月元旦天井中橫木壓以青石名爲壓子筋

延津縣  
元日邑中士民必令尹先于臘月製桃符及廟門神無限比閭皆請官賜以爲一年吉兆有不獲者大爲失色謂一年無以厭不祥

陳州  
元旦設庭燎燒榆柳木根謂之煙歲

滎陽縣  
元日昧爽設祭品作廬軒插竹十庭拜天禮神燭柏柴燼以逐疫

孟津縣  
元日炊麴象蘭以祈蠶功

郊縣  
元旦五鼓時門前各插路燈一枝如元宵  
陝西志書

富平縣  
每族週宗祠數世者其爲畫像名曰神軸元日子孫會拜禮訖陳金會側飲飲之日節坐二日各親黨以麪食豚肉相贈曰拜節

江寧縣  
元日蘇陵貴家房門貼畫雄雞

句容縣  
春正月歲首長少風輿祀神祇禮先人遺像以拜宗族鄰里傳果酒是午卽拜墓插松枝於各門戶取長久青翠意牧人試其穡

吳縣  
元日通元寺多士庶禮拜觀音大士

長洲縣  
元日占候風雲風自東南來歲大稔東風次之東北又次之西則歉西北有紅雲氣則稔白則歉諺云歲朝烏澆禿高低田稻一齊熟

崑山縣  
歲朝農家取瓦瓶汲淨水秤之以日當月一日一易水秤至十二日以秤一歲若此日水重則是月有水極有收驗

嘉定縣  
正月元旦以炒鹽豆與人謂之有投泰燕栗于室中謂之旺相插冬青柏枝于簷謂之節節高

松江府  
元日侵晨占風雲雲青爲蟲白爲兵赤爲旱黑爲水

黃爲豐年東北風大熱又親天氣明暗有雲而暗主豐年連三日天陰人民安穩麥十倍連五日雨亦主大熱

武進縣  
元日拜祠堂黎明率子弟羣拜于祠先大宗次小宗焚香上茶設粉餌無祭拜神影子先像奉供堂中事如生禮設祭奠酒凡拜蔬粉米之屬罔不具每日三飯凡三日復卷藏之有新曆新年慎出行無遠近必諷吉日故首視之

城隍廟香火八廟香俗好祀城隍神元日尤甚早暮人爭趨如堵牆香烟蔽翳如霧次及八廟神八廟者元帝后樓吳李于漢壽亭侯張睢陽陳司徒晏公及五顯之神也五顯五行真氣無姓名宋大觀中賜廟額曰靈顯

吹長壽獅長壽獅無少長皆食食必自祝拜年拜年投帖道路紛紛親串遇于途者揖會于家者拜至人穀日方止放開門爆仗宋東京錄駕前呈百戲每一齣畢作霹靂一聲謂之爆仗凡御前供奉皆曰仗故爆亦曰仗也武邑元日啓戶放爆仗三聲尚金錢爲兆蓋置五色紙錢于爆中發之謂滿地踏金錢滿城遞響如崩瓦裂石

迎喜神早起向喜神方立片晌出行首必迎之錫神則謹避陰陽家除夕預榜于塗不掃地元旦戒不掃地卽掃必向內勿除垢穢于外嘗見唐書載此事云恐掃去如願如願吉鬼吃糖圓淺粉酒水轉旋之鐵圈之中丸如彈子而差小和糖煮之舉家咸食取團圓也

點家堂香燭家堂置大門內若懸之空中祀無定神大約多不在祀典者著新衣裳無論貴賤俱易新衣冠兒童袞袞逾以瞻人

爲笑樂其不能易者流濯之 買泥人人鬼臉子搏  
土作人物形工且肖惟梁溪虞山人多造之鬼臉子  
即昔人云面具也二者兒童爭購笑舞 敲鑼鼓兒  
童自元日至元宵手不停鑼鼓擊一鼓而羣鑼周遭  
之謂闌元皆其聲以有節者爲上然不必有師受  
闌店門元旦至初五店家俱閉戶如罷市然或垂簾  
箔以判内外衣香鬢影咄咄逼人 載松柏枝剪松  
柏小枝如花染漬以青綠繞以紅絲微下垂之如落  
索婦人戴髻上取益壽 請年酒元日至元宵親朋  
酬酢無虛日街頭醉舞如狂者比比 跳獅子人  
作獅子狀昂首掉尾跳舞門庭一人作獅鬚鳴鉦唱  
歌祝嘏詞刺刺不休 不穿針線女子相戒竟日不  
穿針線于義莫知何指 把筆晨起檢紅箋書歲朝  
把筆如意大吉等字粘之座右能詩者作詩以紀歲  
華

無錫縣

歲元日市皆闔戶盛服賀年他邑祝壽者例以其人  
之生日錫故事獨計一歲之中合若干家則列其日  
而于歲初畢賀云

靖江縣

元旦親戚黨里肅衣冠交拜履新並爲醺聚

金壇縣

元旦天臘節風與男婦各盛服拜天神祖先畢親戚  
賀歲飲屠蘇酒

高郵州

正旦男女風與繞屋簷皆爆竹震蕩黎明始啓戶男  
女序拜其尊長命誨且致祝語

泰州

元旦寅夜即起詣各廟拜送香紙道路絡繹不絕姻  
族椒酒相邀

如皋縣

元旦五鼓起拜天地焚大官賜福牌拜家堂祖先畢  
編湯親鄰賀新禧晚聚男女老幼共坐飲椒柏酒是  
日不討火不汲水不掃地元旦後遞相邀飲白乳六  
帖所謂傳生酒也

通州

元旦早起嬌桃柴設香案禮天地家神

懷寧縣

元旦交拜于親屬僚友謂之慶節彼此宴飲謂之年  
飯小兒至人家遺以蒸餅餠果不令空返又是日不  
以生米爲炊蒸年前熟飯食之不傾水于地不洒掃  
不與人錢物不形怒色于卑幼下人又清晨聽鳥聲  
辨春雞雞謂之鳴則雞鳴則雞鳴則雞鳴也

果縣

春元旦罷市燕飲剪紙爲花謂之綵勝懸於戶外  
獻歲三日祭司門之神焚綵勝然後開市

太和縣

元旦男女聚食謂之境會

廣德州

元旦視歲吉所向枯香神廟日踏喜

浙江志書

杭州府

元旦以米團餉衆謂之歡喜團影室日夕兼供茶飯  
至燈後始罷椒柏枝于柿餅大橋承之謂之白事大

吉

烏程縣

元旦晚鄉村以長竿束草于上燒之鑼鼓相喧名慶  
田置有許天燈者懸之于竿久者至三月三日止

長興縣

元旦家設椿馬香燭及糕果于中堂名曰接天

天台縣

元旦風興焚香拜天地五祀祖先然長壽燈嘖五味  
粥以祈五福

永康縣

元旦尊卑長幼以序而拜曰團拜拜畢出大門進三  
殺及退方向吉而行百餘步乃返曰轉脚

江山縣

正月元日賀歲三日乃已遇晴霽攜糕登山覽勝

桐廬縣

桐俗旦日或置香案或用桌預設花燭茶果等物舉  
家長幼男女皆風興盛服擇吉時開門化紙叩拜天  
地以祈一歲之祥名曰燒清錢

溫州府

歲朝初旦戶不分貧富皆潔衣服藝香燭于庭祀先  
畢序拜尊長然後出謁親族鄰里或留飲自一日至  
五日謂之節假交相展慶市不貿易

龍泉縣

正月初一日天色晴明殺熟人無病寇賊息陰雨人  
災水湧花果不實大雪穀麥熟牛馬犬羊災葉少人  
安寧車男子瘟小兒災電妖賊興具日值立春大忌  
甲子雨赤地千里

江西志書

鉛山縣

歲首三日不掃除以爲聚財

未豐縣

元旦出寢門發爆竹三謂之接歲挂楮錢于門左右

德化縣

元旦日晡方隅取吉鄉鄰投刺交調稱子往相贈以果屬鄉村戚有新喪則持楮錢往謂之燒新香

瑞州府

元旦初出門日出方

萬載縣

元旦賀歲通三日禁不食腥廚備必先歲時料理

湖廣志書

崇陽縣

元旦鄉人聽先鳴鶴聲占養鷄鴨

德安府

元旦比戶以爆竹聲角勝村中人必致糕相餽俗口年糕

江陵縣

元旦食膠牙傷

監利縣

元旦服桃湯懸葶索

巴陵縣

元旦歲歲鄰里飲相慶十二日罷謂之開節

新田縣

元旦天氣晴歲主豐是早東北風上歲北風中歲西北風戎菽成西風主兵西南風小旱南風大旱東風

主水東南風主疾疫歲惡其長聽鳥鳴鴉先鳴宜鴨

鵲先鳴宜雞

福建志書

福州府

元旦祈年五鼓後戶無貴賤皆當嚴潔屋宇設上中下三位陳列酒食茶湯焚金銀楮錢冀承靈貺以保遐齡蓋用道家之說謹歲始飲屠蘇除日以藥劑入絳囊置井中元旦出之漬酒東向而飲自幼至長以爲序可辟瘟疫蓋用華陀與魏武帝方也是日率食素紹興辛亥程待制適以寇盜太平榜諭郡民

先一日禁屠

建寧府

正日賀節有持扇者

海澄縣

正月元旦無貴賤婦女投箋互拜曰拜年童髻御鮮衣帶結金錢箇箇曰帶歲錢詣所親必出辛盤互歡洽曰春頭彩士子無遠近入文廟謁先師祝泮水晶

光朝山夷邑爲一年文昌嘉會

建寧縣

新春家設春酒會族戚時市井子弟搬弄遊春戲或朱裳鬼面以爲儼

四川志書

長壽縣

元旦燃蠟燭九枝于門外謂之九品燭敬天地也

涪州

元旦親朋拜賀主人款賓先設果酒繼用鷄豚雜品會于盈內每賓一器著酒于中而食之謂之醉酥後

置酒食迭相邀飲曰春酒

廣東志書

新安縣

正月元旦始有雨諺云乾冬濕年禾穀滿田

晉寧縣

元旦敬禮祖先具檳榔葉菓斷甘蔗尺許供奉牌位前如此三日相拜亦各備檳榔葉菓以供茶具

石城縣

元旦風微早晚稻上半日無風早熟下半日無風晚熟

臨高縣

元旦婦女爭先汲水以爲周年精爽之兆

雲南志書

峨嵋縣

元旦以松毛鋪地待客喜慶亦然

順寧府

元旦郡人多持齋高年輩誦二氏遺典誦讀之聲沸騰

元日部藝文一

朝會賦

晉傅元

仰二皇之文象詠帝德乎上系考夏后之遺訓綜殷周之典制采秦漢之舊儀肇元正之嘉會於是先期戒事衆官允勅萬國咸亨各以其職翼翼京邑巍巍紫極前三朝之夜半庭燎晃以舒光華燈若乎火樹熾百枝之煌煌俯而察之如九燭龍而照元力仰而觀焉若披丹霞而鑒九陽間闔闢大門開坐太極之正殿嚴嵯峨以崔嵬嘉廣庭之敞麗美升雲之玉階